

Augsburg, 3. März 1576

An Theodor Zwinger

UB Basel, Fr. Gr. I 11, fol. 351r. (nicht eigenhändig bis auf die Unterschrift).

S. Georgium Henischium celibem et liberum accepimus anno superiore: hoc ad vos remittimus et sponsum formosissimae virginis, et Mathematum in schola nostra ducentorum florinorum stipendio professorem. Quo autem maiore cum autoritate et maritus sit et professor: laureolam medicam à vobis petituro, scio neque operam neque studium tuum illi defuturum: atque in ea re meae quoque commendationis, pro tua in me benevolentia, rationem aliquam habiturum: Idquē vt facias etiam atque etiam oro.

Decimo Februarij Xylandrum nostrum non amisimus sed praemisimus. Cum quo benè esse actum, hoc omnium rerum statu existimo: cum vxore verò et liberis eius, atque adeò republica literaria, cui et iuuandae et ornandae natus fuit, incommodius.

An literae quas superiore mense ad te et ad D. Freigium misi, acceperis nescio. Quas si intercidisse scirem, eadem denuò scriberem. Vale vir clarissime, D[omine] et amice colende. Augustae Vindelicorum 3 Martij anno 1576.

Hiero[nymus] Wolfius
T[uus].